

### Produto interior bruto galego e estatal

Tanto o PIB estatal como o PIB galego incrementáronse no segundo trimestre do ano 2016 nun 0,8%, o que no caso do PIB galego supón unha décima máis que no trimestre anterior e leva a variación porcentual interanual do PIB para este período ata o 3%, mentres que o PIB estatal para o período de referencia pasa a ser do 3,2%.


O gráfico representa a evolución dos PIB galego e estatal dos últimos 18 trimestres e nel pode apreciarse que, se ben o crecemento interanual do PIB estatal acadou o seu máximo no último trimestre de 2015 e está a decrecer lixeiramente, o PIB galego continúa na súa tendencia alcista, acadando no segundo trimestre do ano a só dúas décimas do estatal en termos interanuais. Se trata da menor diferenza entre o PIB galego e o estatal desde o último trimestre do ano 2013.

Variación interanual porcentual do PIB (Índices de volume encadeados, referencia ano 2010=100. Datos Corrixidos de estacionalidade e calendario) Galicia-España 2009-2015 (\*)

|         | %<br>(T/T-4) | 2009 | 2010 | 2011 | 2012 | 2013 | 2014 | 2015 | 3T14 | 4T14 | 1T15 | 2T15 | 3T15 | 4T15 | 1T16 | 2T16 |
|---------|--------------|------|------|------|------|------|------|------|------|------|------|------|------|------|------|------|
| Galicia |              | -3,6 | 0,2  | -1,3 | -2,7 | -0,7 | 0,4  | 2,1  | 0,5  | 0,8  | 1,4  | 1,9  | 2,2  | 2,6  | 2,8  | 3    |
| España  |              | -3,8 | 0,0  | -1,0 | -2,6 | -1,7 | 1,4  | 3,2  | 1,7  | 2,1  | 2,7  | 3,2  | 3,4  | 3,5  | 3,4  | 3,2  |

Fontes: INE ( *Contabilidade Nacional Trimestral* ), IGE

(\*) os valores anuais para o PIB estatal para os anos 2011-2014 foron recalculados no pasado setembro (ver nota de prensa INE do 15.09.2015) rexistrándose valores inferiores aos calculados previamente nos anos 2011a 2013



### Poboación activa, contratación, paro rexistrado e afiliación á Seguridade Social

No terceiro trimestre de 2016, a Enquisa de Poboación Activa (EPA) sinala que en Galicia se incrementou a poboación activa en 2.200 persoas respecto do mesmo trimestre do ano anterior (7.700 persoas máis que no segundo trimestre), o que supón un incremento da poboación activa do 0,2% nos últimos 12 meses. Este dato positivo contrasta coa tendencia decrecente observada en trimestres anteriores en Galicia, e co dato interanual estatal, onde a poboación activa decreceu en -51.200 persoas (o -0,2%). A taxa de ocupación tamén amosou un comportamento positivo no terceiro trimestre: o aumento do número de ocupados en 18.900 persoas nos últimos doce meses (23.900 respecto do trimestre anterior) leva o número de galegos e galegas ocupados ata o 1.057.900 e a taxa ata o 45,0%. En canto á taxa de paro, a EPA fíxa a nun 16,3% da poboación activa, sendo o número de persoas desempregadas neste trimestre de 206.700. Esta taxa é inferior en -2,6 puntos porcentuais á rexistrada no conxunto de España, e en -1,4 puntos porcentuais á rexistrada no trimestre anterior.

No que atinxe á contratación, no terceiro trimestre do ano asináronse 280.784 contratos novos en Galicia, que supoñen un incremento do 18,1% fronte ao segundo trimestre, e dun 7,0% respecto do terceiro trimestre de 2015. No que atinxe á comparación co trimestre anterior, o incremento de contratos asinados apréciase en todos os sectores de actividade, destacando o incremento en agricultura e pesca (75% máis, mentres que os contratos asinados no resto de sectores crecen entre un 13% e un 17%) e, atendendo ao tipo de contrato asinado, existe un lixeiro descenso dos contratos indefinidos e un aumento do resto de contratos, moi acusado no caso dos contratos de prácticas e formación (o 73,2% máis que no segundo trimestre). Pola súa banda, se nos fixamos na comparación co terceiro trimestre de 2015, aumentan os contratos asinados na industria e no sector servizos mentres diminúen os asinados no sector primario e na construción e, estudando o tipo de contrato, tanto os contratos indefinidos como os temporais presentan incremento, fronte ao descenso dos contratos en prácticas / formación e nos contratos clasificados como "outros".

En termos interanuais, os contratos asinados por mulleres superan lixeiramente aos dos homes, mentres que na comparación co trimestre anterior obsérvase a tendencia oposta.

No mes de setembro detívose a tendencia de diminución do paro rexistrado que viña prolongándose desde o mes de xaneiro, se ben compre sinalar que tal tendencia se mantén e mesmo se incrementa lixeiramente en termos interanuais. Se ben os valores totais rexistrados cada mes son moi similares, a observación polo miúdo dos datos nos indica que a redución do paro rexistrado é máis intensa entre os homes (que presentan diminución do paro nos tres meses, mentres que entre as mulleres se incrementou en agosto e setembro). Por sectores de actividade, tanto a industria como os servizos foron os que amosaron peor comportamento respecto ao trimestre anterior, incluíndo crecemento do paro rexistrado no mes de setembro en ambos sectores. Porén, en termos interanuais todos os sectores amosan reducións do paro rexistrado superiores ao -10% excepto o sector servizos (cunha redución do -7,8%)

Segundo os datos da Tesourería Xeral da Seguridade Social sobre a media de persoas afiliadas no terceiro trimestre, a tendencia á alza das afiliacións mantívose e mesmo acelerouse en xullo, se ben amosou unha desaceleración en agosto que mesmo se agudizou en setembro, mes no cal a afiliación reduciuse en Galicia respecto do mes anterior (a nivel nacional tamén se aprecia unha desaceleración a partires de xullo), se ben neste caso o valor rexistrado en agosto xa foi negativo, recuperando valores positivos en setembro. No que respecta aos valores interanuais de afiliación, estes alcanzan incrementos superiores aos do trimestre pasado tanto a nivel estatal como galego, coa excepción do valor do mes de setembro para Galicia, que en termos porcentuais amosou o incremento da afiliación interanual máis reducido no que vai de ano.

### Valores Poboación Activa Galicia-España 3º Trimestre 2016

|         | Trimestre actual | Variación trimestre anterior |            | Variación mesmo trimestre ano anterior |            |
|---------|------------------|------------------------------|------------|--|------------|
|         |                  | Diferencia                   | Porcentaxe | Diferencia                             | Porcentaxe |
| Galicia | 1.264,6          | 7,7                          | 0,6        | 2,8                                    | 0,2        |
| España  | 22.846,3         | -27,3                        | -0,1       | -51,2                                  | -0,2       |

Fonte: Enquisa de Poboación Activa - INE (datos en miles)

### Datos contratación en Galicia por xénero, idade, tipo de contrato e sector, 3º Trimestre 2016

|                          | Trimestre actual | Var. trimestre anterior | % Var. trimestre anterior | Var. trimestre ano anterior | % Var. trimestre ano anterior |
|--------------------------|------------------|-------------------------|---------------------------|-----------------------------|-------------------------------|
| <b>2º Trimestre 2016</b> | <b>280.784</b>   | <b>42.983</b>           | <b>18,1%</b>              | <b>18.336</b>               | <b>7,0%</b>                   |
| Homes                    | 148.817          | 23.444                  | 18,7%                     | 8.584                       | 6,1%                          |
| Mulleres                 | 131.967          | 19.539                  | 17,4%                     | 9.752                       | 8,0%                          |
| <30 anos                 | 95.863           | 20.166                  | 26,6%                     | 8.377                       | 9,6%                          |
| entre 30 e 44 anos       | 120.168          | 11.687                  | 10,8%                     | 3.681                       | 3,2%                          |
| >44 anos                 | 64.753           | 11.130                  | 20,8%                     | 6.278                       | 10,7%                         |
| Indefinido               | 17.714           | -162                    | -0,9%                     | 1.701                       | 10,6%                         |
| Temporal                 | 253.686          | 40.080                  | 18,8%                     | 19.641                      | 8,4%                          |
| Prácticas / Formación    | 3.601            | 1.522                   | 73,2%                     | -2.257                      | -38,5%                        |
| Outros                   | 5.783            | 1.543                   | 36,4%                     | -749                        | -11,5%                        |
| Agricultura e Pesca      | 10.513           | 4.505                   | 75,0%                     | -136                        | -1,3%                         |
| Industria                | 37.639           | 4.414                   | 13,3%                     | 2.018                       | 5,7%                          |
| Construción              | 13.179           | 1.537                   | 13,2%                     | -42                         | -0,3%                         |
| Servizos                 | 219.453          | 32.527                  | 17,4%                     | 16.496                      | 8,1%                          |

Fonte: Boletín Mensual de Contratación, Consellería de Economía, Emprego e Industria

### Paro rexistrado en Galicia por xénero, idade e sector, 3º Trimestre 2016

| 2T 2016              | Mes actual     |                |                | variación mes anterior |               |              | % variación mes anterior |              |              | variación mes ano anterior |                |                | % variación mes ano anterior |              |              |
|----------------------|----------------|----------------|----------------|------------------------|---------------|--------------|--------------------------|--------------|--------------|----------------------------|----------------|----------------|------------------------------|--------------|--------------|
|                      | xullo          | agosto         | setembro       | xullo                  | agosto        | setembro     | xullo                    | agosto       | setembro     | xullo                      | agosto         | setembro       | xullo                        | agosto       | setembro     |
| <b>TOTAL</b>         | <b>195.457</b> | <b>193.045</b> | <b>194.336</b> | <b>-11.863</b>         | <b>-2.412</b> | <b>1.291</b> | <b>-5,7%</b>             | <b>-1,2%</b> | <b>0,67%</b> | <b>-20.914</b>             | <b>-20.687</b> | <b>-21.401</b> | <b>-9,7%</b>                 | <b>-9,7%</b> | <b>-9,9%</b> |
| Homes                | 87.743         | 85.614         | 85.446         | -6.445                 | -2.129        | -168         | -8,8%                    | -2,4%        | -0,2%        | -10.857                    | -11.137        | -11.409        | -11,0%                       | -11,5%       | -11,8%       |
| Mulleres             | 107.714        | 107.431        | 108.890        | -5.418                 | -283          | 1.459        | -4,8%                    | -0,3%        | 1,4%         | -10.057                    | -9.550         | -9.992         | -8,5%                        | -8,2%        | -8,4%        |
| <30 anos             | 24.202         | 24.366         | 24.715         | -2.428                 | 164           | 349          | -9,1%                    | 0,7%         | 1,4%         | -4.712                     | -4.177         | -4.817         | -16,3%                       | -14,6%       | -16,3%       |
| entre 30 e 44 anos   | 69.756         | 68.531         | 69.147         | -5.173                 | -1.225        | 616          | -6,9%                    | -1,8%        | 0,9%         | -10.421                    | -10.373        | -10.281        | -13,0%                       | -13,1%       | -12,9%       |
| >44 anos             | 101.499        | 100.148        | 100.474        | -4.262                 | -1.351        | 326          | -4,0%                    | -1,3%        | 0,3%         | -5.781                     | -6.137         | -6.303         | -539,0%                      | -5,8%        | -5,9%        |
| Agricultura e Pesca  | 7.034          | 6.822          | 6.469          | -759                   | -212          | -353         | -9,7%                    | -3,0%        | -5,2%        | -385                       | -463           | -744           | -5,2%                        | -6,4%        | -10,3%       |
| Industria            | 23.591         | 23.354         | 23.510         | -1.369                 | -237          | 156          | -5,5%                    | -1,0%        | 0,7%         | -4.040                     | -3.953         | -3.440         | -14,6%                       | -14,5%       | -12,8%       |
| Construción          | 22.571         | 21.733         | 21.245         | -1.551                 | -838          | -488         | -6,4%                    | -3,7%        | -2,2%        | -4.403                     | -4.737         | -4.472         | -16,3%                       | -17,9%       | -17,4%       |
| Servizos             | 125.367        | 124.324        | 126.633        | -7.726                 | -1.043        | 2.309        | -5,8%                    | -0,8%        | 1,9%         | -10.202                    | -9.747         | -10.698        | -7,5%                        | -7,3%        | -7,8%        |
| Sen emprego anterior | 16.894         | 16.812         | 16.479         | -458                   | -82           | -333         | -2,6%                    | -0,5%        | -2,0%        | -1.884                     | -1.787         | -2.047         | -10,0%                       | -9,6%        | -11,0%       |

Fonte: Boletín Mensual do Paro rexistrado, Consellería de Economía, Emprego e Industria, Xunta de Galicia

### Datos de Afiliación á Seguridade Social Galicia-España, 3º Trim. 2016

|         | Afiliacións media 1º Trim. 2016 |            |            | Variacións   |          |        |          |          |        |            |          |         |          |          |       |
|---------|---------------------------------|------------|------------|--------------|----------|--------|----------|----------|--------|------------|----------|---------|----------|----------|-------|
|         |                                 |            |            | mes anterior |          |        |          |          |        | interanual |          |         |          |          |       |
|         |                                 |            |            | absoluta     |          |        | relativa |          |        | absoluta   |          |         | relativa |          |       |
| xullo   | agosto                          | setembro   | xullo      | agosto       | setembro | xullo  | agosto   | setembro | xullo  | agosto     | setembro | xullo   | agosto   | setembro |       |
| Galicia | 973.973                         | 979.104    | 972.887    | 16.045       | 5.131    | -1.086 | 1,67%    | 0,53%    | -0,11% | 16.095     | 15.908   | 9.691   | 1,68%    | 1,65%    | 1,01% |
| España  | 17.844.992                      | 17.699.995 | 17.712.021 | 84.721       | -144.997 | 12.026 | 0,48%    | -0,81%   | 0,07%  | 529.804    | 519.096  | 531.122 | 3,06%    | 3,02%    | 3,09% |

Fonte: IGE Informe de afiliación á seguridade social (segundo datos do Ministerio de Emprego e Seguridade Social)

No segundo trimestre do ano pódese apreciar un cambio de tendencia no comportamento da sinistralidade en Galicia. O número de accidentes con baixa en xornada de traballo diminuíu un -14,2% respecto do segundo trimestre de 2015, debido principalmente ao descenso dos accidentes leves, que supoñen máis do 98% dos totais. Os accidentes mortais tamén diminuíron (un -28,6%) mentres os graves se incrementaron no 3,4%

Por sectores de actividade, todos rexistraron unha diminución (superior ao -12% na industria e nos servizos, e ao -24% no sector agrícola e na construción. O sector pesqueiro, que viña de ter o comportamento máis positivo en trimestres anteriores, foi no que menos diminuíu a sinistralidade neste trimestre, mesmo con lixeiros incrementos dos accidentes graves e mortais.

#### Accidentes laborais con baixa en xornada de traballo por sectores de actividade e gravidade. Galicia, 2º Trimestre 2015-2016

|              | Leves        |              |              | Graves    |           |            | Mortais   |           |              | Totais       |              |              |
|--------------|--------------|--------------|--------------|-----------|-----------|------------|-----------|-----------|--------------|--------------|--------------|--------------|
|              | 2015         | 2016         | % Var        | 2015      | 2016      | % Var      | 2015      | 2016      | % Var        | 2015         | 2016         | % Var        |
| Agricultura  | 302          | 229          | -24,2        | 10        | 7         | -30,0      | 1         | 1         | 0,0          | 313          | 237          | -24,3        |
| Pesca        | 255          | 244          | -4,3         | 10        | 11        | 10,0       | 1         | 2         | 100,0        | 266          | 257          | -3,4         |
| Industria    | 1.829        | 1.596        | -12,7        | 23        | 22        | -4,3       | 4         | 1         | -75,0        | 1.856        | 1.619        | -12,8        |
| Construción  | 811          | 608          | -25,0        | 17        | 15        | -11,8      | 1         | 1         | 0,0          | 829          | 624          | -24,7        |
| Servizos     | 3.053        | 2.673        | -12,4        | 27        | 35        | 29,6       | 7         | 5         | -28,6        | 3.087        | 2.713        | -12,1        |
| <b>Total</b> | <b>6.250</b> | <b>5.350</b> | <b>-14,4</b> | <b>87</b> | <b>90</b> | <b>3,4</b> | <b>14</b> | <b>10</b> | <b>-28,6</b> | <b>6.351</b> | <b>5.450</b> | <b>-14,2</b> |

Fonte: Consellería de Economía, Emprego e Industria. ISSGA.

#### Conflitividade laboral

Segundo os datos provisionais facilitados polo Ministerio de Emprego e Seguridade Social no primeiro semestre de 2016, en Galicia leváronse a cabo 33 folgas, o que supón un descenso dun -35,3% fronte as do mesmo período do ano anterior. Se nos fixamos na repercusión destes conflitos en función das persoas traballadoras que participaron neles, vemos que tamén se produciu un descenso, neste caso un -22,4%. Esta acusada tendencia descendente tamén se observa no número de xornadas non traballadas, que se reduciu nun -39,5% total de xornadas de traballo perdidas no 1º semestre do ano respecto ao do 2015, descenso superior ao rexistrado a nivel estatal (onde a redución de xornadas non traballadas foi do -26,6%).

#### Folgas realizadas, traballadores participantes e xornadas non traballadas Galicia-España Xaneiro-Xuño 2016

|         | Folgas            |  | Traballadores participantes |  | Xornadas non traballadas |  |
|---------|-------------------|--|-----------------------------|--|--------------------------|--|
|         | Valores absolutos | Variación sobre o mesmo período ano anterior | Valores absolutos           | Variación sobre o mesmo período ano anterior | Valores absolutos        | Variación sobre o mesmo período ano anterior |
| Galicia | 33                | -18  | 8.801                       | -2.538                                       | 11.832                   | -7.721                                       |
| España  | 353               | -43  | 86.122                      | -20.928                                      | 195.517                  | -70.832                                      |

Estadística de folgas e pechos patronais. Ministerio de Emprego e Seguridade Social.

(datos provisionais)

#### Datos de expedientes de regulación de emprego

Os datos dispoñibles sobre expedientes de regulación de emprego permiten facer unha análise comparativa dos dous primeiros cuatrimestres do ano fronte aos do 2015. En 2016 presentáronse 317 expedientes, un -25,1% menos que no mesmo período do 2015. Os de redución de xornada diminuíron nun -50% e os de suspensión de contratos diminuíron nun -10%. Pola súa banda, os expedientes por despedimento colectivo presentaron valores similares (26 fronte aos 25 do ano pasado).

Por sectores compre sinalar que, mentres que a industria e o sector servizos amosou diminucións no número de expedientes do -46% e na construción os expedientes baixaron un -21,1%, o número de expedientes de regulación de emprego no sector pesqueiro seguen a incrementarse (un 30,8% máis de xaneiro a agosto respecto do ano 2015)

En canto ao número de persoas afectadas, incrementouse nun 2,2% respecto ao ano pasado. Incremento que deriva de xeito exclusivo do aumento de persoas traballadoras afectadas polos expedientes por suspensión de contratos (os de despedimentos colectivos e os de redución de xornada reducíronse de xeito notable) e que afectou de xeito sobranceiro ao colectivo feminino (os homes afectados por expedientes de regulación de emprego reducíronse un -1,0% ata o mes de agosto, mentres que as mulleres afectadas aumentaron nun 12,5%)

#### Expedientes de regulación de Emprego segundo a medida e o sector de actividade (Xaneiro-Agosto 2016)

|              | Despedimentos colectivos |           |             | Suspensións de contratos |            |               | Reducións de xornada |           |               | Totais     |            |               |
|--------------|--------------------------|-----------|-------------|--------------------------|------------|---------------|----------------------|-----------|---------------|------------|------------|---------------|
|              | 2015                     | 2016      | %Var.       | 2015                     | 2016       | %Var.         | 2015                 | 2016      | %Var.         | 2015       | 2016       | %Var.         |
| Agricultura  | 0                        | 0         | 0,0%        | 0                        | 0          | 0,0%          | 0                    | 0         | 0,0%          | 0          | 0          | -----         |
| Pesca        | 1                        | 2         | 0,0%        | 103                      | 133        | 29,1%         | 0                    | 1         | 0,0%          | 104        | 136        | 30,8%         |
| Industria    | 12                       | 7         | -41,7%      | 42                       | 23         | -45,2%        | 30                   | 15        | -50,0%        | 84         | 45         | -46,4%        |
| Construción  | 4                        | 5         | 25,0%       | 20                       | 18         | -10,0%        | 14                   | 7         | -50,0%        | 38         | 30         | -21,1%        |
| Servizos     | 8                        | 12        | 50,0%       | 65                       | 33         | -49,2%        | 124                  | 61        | -50,8%        | 197        | 106        | -46,2%        |
| <b>TOTAL</b> | <b>25</b>                | <b>26</b> | <b>4,0%</b> | <b>230</b>               | <b>207</b> | <b>-10,0%</b> | <b>168</b>           | <b>84</b> | <b>-50,0%</b> | <b>423</b> | <b>317</b> | <b>-25,1%</b> |

Fonte: Consellería de Economía, Emprego e Industria. Secretaría Xeral de Emprego

Datos da *Encuesta Trimestral de Coste Laboral* do INE para o segundo trimestre de 2016 indican que o valor medio do custo laboral por persoa traballadora e mes para este trimestre foi de 2.232,7 €, o que supón un descenso interanual dun -0,5%. No referente aos custos salariais, o seu valor medio por persoa traballadora e mes foi de 1.640,6 €, valor que representa un incremento interanual do 0,3% nos custos salariais en Galicia, o que supón o terceiro trimestre consecutivo ao alza.

**Custos laborais e salariais. Galicia. 2010-2016**

|      | Custo laboral por persoa traballadora e mes |             | Custo salarial por persoa traballadora e mes |             |
|------|---|-------------|--|-------------|
|      | Euros                                       | % var. int. | Euros  | % var. int. |
| 2010 | 2.251,3                                     | 2,3         | 1.663,2                                      | 3,0         |
| 2011 | 2.265,3                                     | 0,6         | 1.669,7                                      | 0,4         |
| 2012 | 2.206,2                                     | -2,6        | 1.618,1                                      | -3,1        |
| 2013 | 2.260,2                                     | 2,4         | 1.656,0                                      | 2,3         |
| 2014 | 2.261,4                                     | 0,0         | 1.654,0                                      | 0,0         |
| 2015 | 2.246,2                                     | -0,7        | 1.649,0                                      | -0,3        |
| 1T15 | 2.175,0                                     | 0,2         | 1.582,3                                      | 0,6         |
| 2T15 | 2.242,9                                     | -2,1        | 1.635,8                                      | -2,2        |
| 3T15 | 2.196,2                                     | -0,4        | 1.601,9                                      | 0,0         |
| 4T15 | 2.370,6                                     | -0,3        | 1.775,8                                      | 0,4         |
| 1T16 | 2.203,1                                     | 1,3         | 1.596,2                                      | 0,9         |
| 2T16 | 2.232,7                                     | -0,5        | 1.640,6                                      | 0,3         |

Fonte: INE (*Encuesta trimestral de coste laboral*)

**Sociedades constituídas, disoltas e ampliacións de capital**

No terceiro trimestre do ano constituíronse 1.002 sociedades mercantís en Galicia, é dicir, -264 en comparación co trimestre anterior e 164 máis respecto ao mesmo trimestre do ano 2015. O capital medio subscrito nas sociedades constituídas no último trimestre foi de 27.523,5 miles de €, o que supón un marcado descenso tanto respecto ao trimestre anterior como respecto ao mesmo trimestre do ano 2015. Porén, aínda que o número de sociedades que aumentaron capital tamén se reduciu, o capital destas incrementábase de xeito acusado tanto en termos trimestrais como interanuais.

**Sociedades mercantís creadas ou que amplían capital, 3º Trimestre 2016**

|                                  | Dato do trim estre |                   | Var. absoluta núm. sociedades constituídas respecto ao trim estre pasado | % variación de capital respecto ao trim estre pasado | Var. absoluta núm. sociedades respecto a mesm o trim estre do ano pasado | % variación de capital respecto ao mesm o trim estre do ano pasado |
|----------------------------------|--------------------|-------------------|--|--|--|--|
|                                  | Núm. sociedades    | Capital (miles €) |  |  |  |  |
| Sociedades constituídas          | 1.002              | 27.523,5          | -264   | -28,6%   | 164  | -54,6%   |
| Sociedades que ampliaron capital | 258                | 221.645,0         | -52  | 131,7%   | -17  | 41,3%  |

Fonte: IGE, a partir de datos do Boletín Oficial do Rexistro Mercantil (BORME)

**Sociedades mercantís disoltas ou que reducen capital, 3º Trimestre 2016**

|                                   | 3T16 | 2T16 | 3T15 |
|-----------------------------------|------|------|------|
| Sociedades disoltas               | 229  | 293  | 255  |
| Sociedades que reducion capital   | 58   | 68   | 64   |
| Sociedades en situación concursal | 29   | 87   | 55   |

Fonte: IGE, a partir de datos do Boletín Oficial do Rexistro Mercantil (BORME)

Por outra banda, no terceiro trimestre disolvéronse 229 sociedades mercantís, 64 menos que no mes anterior, e 36 menos que no terceiro trimestre do 2015. No tocante ás reducións de capital, este feito produciuse en 58 empresas (10 menos que no trimestre anterior, e 6 menos que no mesmo trimestre do ano pasado). Ademais, rexistráronse tres procesos de escisión de empresas, sete de fusión e 29 empresas entraron en situación concursal, dato que supón unha moi acusada diminución fronte aos valores de referencia.

**Actividade do Consello Galego de Relacións Laborais**

No terceiro trimestre o Consello comezou unha rolda de xornadas en cada unha das catro capitais de provincia galegas, todas dedicadas ao debate sobre o “Rexistro e control horario na xornada de traballo” así como unha xornada sobre “Conciliación e corresponsabilidade” en Santiago de Compostela. En total, estes eventos superaron o medio milleiro de asistentes.

No que atinxe ao exercicio da función consultiva sobre normativa laboral conferida a este Consello pola súa lei reguladora, ao remate do terceiro trimestre do ano emitíronse 24 ditames.

O Consello apoia e fomenta a negociación colectiva a través do seu procedemento de solución extraxudicial de conflitos (AGA) que rexistrou a entrada de 73 expedientes ao remate deste trimestre, e proseguiu o seu labor a prol da negociación colectiva en diversos sectores como sede de comisións paritarias, en reunións de comisións negociadoras de convenios ou estudando as posibilidades de sinatura dos mesmos en sectores que carecen deles ou nos que a negociación atópase bloqueada.

Finalmente, o sete de outubro produciuse o cesamento de Demetrio Fernández López como presidente deste organismo, despois de 14 anos de intenso traballo á fronte do mesmo. Desde aquí desexámoslle moito éxito na súa nova andaina profesional.

Pode consultar máis información específica da situación da negociación colectiva galega no Boletín da Negociación Colectiva do Consello: [http://cgrl.xunta.es/g\\_necol2.html](http://cgrl.xunta.es/g_necol2.html)

